

Ad primam horum quæstionem quibusdam videtur Aristoteles negative respondere (1); verum probabilis est, Aristotalem non negare re vera possibilitatem motus in vacuo, sed potius contra veterum placita, qui vacuum necessarium esse ad hoc, ut motus detur, arbitrabantur, voluisse probare vacuum ex sese magis iationi obesse, quam illius causam esse. Verum quidquid sit de mente Philosophi, communissima tenet sententia Scholasticorum, paucis reclamantibus apud P. Antonium Rubium (2), motum in vacuo possibilem naturaliter esse, ut videre licet apud eundem Rubium et Comimbricenses (3), Complutenses (4), Toletum (5), Sotum (6), Cardin. Aguirre (7), Joannem a S. Thoma (8), et Mastrium (9), qui omnes plurimique alii hanc tuentur doctrinam cum S. Thoma (10) Scoto (11) Philopono (12). Et ita tenendum est, ut egregie probatur a prædictis auctoriibus (13).

Quod vero alteram quæstionem attinet, ex iisdem auctoribus disces motum corporum in vacuo non in instanti, sed tempore peractum iri.

ARTICULUS II.

An et quomodo omnia entia sint in loco.

255. Duo entium genera distingui possunt: alia spiritu alia, ut Deus, angeli et anime rationales a corporibus separatae, alia corporea. Præsentia quoque localis et ubicatio potest multiplex distingui, nempe *definitiva*, *circumscriptive*

Quatuor
præsentia
localia.

- (1) *Physicor.*, lib. 4, cap. 8, text. 67 seqq.
- (2) *Rubius, Physic.*, lib. 4, tract. *de vacuo*, quest. 2.
- (3) *Physicor.*, lib. 4, cap. 8 et 9, quest. 4.
- (4) *Physic.*, disp. 20, quest. 3.
- (5) *Physic.*, lib. 4, quest. 9.
- (6) *Physicor.*, lib. 4, quest. 3, art. 2.
- (7) *Physic.*, disp. 27, sect. 3.
- (8) *Physic.*, quest. 17, art. 2.
- (9) *Physic.*, disp. 12, quest. 3.
- (10) *Physicor.*, lib. 4, lect. 12; et 4.^o dist. 44, quest. 2, art. 3.
- (11) 2.^o dist. 2, quest. 9, ad 4.^o
- (12) In lib. 4.^{um} *Physicor.*, text. 75, et in digressione de loco.
- (13) Cfr. Llossada, *Physic.*, tract. 3, disp. 3, cap. 1, num. 26.

et *sacramentalis*, quibus addunt aliqui *infinitam* vel *interminatam*. Illud est interminate alicubi, quod nulli adstringitur loco, sed est ubique; ac soli Deo ratione suæ immensitatis competit hujusmodi ubicatio. Præsentia definitiva et circumscriptive in eo convenient, quod ut ipsæ voces satis innunt, amba sint alligate certo spatio, extra quod res nullibi sit. In eo tamen differunt, quod res, quæ definitive est in loco aliquo vel spatio, tota sit in toto illo ac tota etiam in singulis illius partibus; circumscriptive autem dicitur esse in loco id, quod ita certum locum occupat, ut pars sit in parte ac totum in toto loco, ac proinde cōextendatur illi (1). Sacramentalis denique præsentia convenit cum definitiva in eo, quod res, quæ sacramentaliter est in loco, tota sit intra ambitum illius, ac tota etiam in singulis partibus illius, ac propterea quidam ubicationem istam ad definitivam revocandam esse dicunt. Differt nihilominus aliquo modo a definitiva, quia res, quæ præsens est alicubi definitive, ita natura sua alligatur ad suum locum, ut extra limites illius non possit esse; id autem quod sacramentaliter est alicubi, potest alibi etiam esse illo eodem modo. Præsentiam sacramentalem, ut Fide docemur, habet Christus Dominus in Eucharistia, qui sic intra ambitum sacramentalium specierum continetur totus in toto, ac totus in singulis illarum partibus, ut non definatur ad unam hostiam vel tabernaculum, sed possit esse pari modo, ubicumque adsit hostia consecrata. Et propterea multi distingunt præsentiam sacramentalem a definitiva, quamvis dissensio auctorum hac in re solum possit esse de modo loquendi. Quod est interminate alicubi, nempe Deus, solum improprie dici potest esse in loco; quia esse in loco videtur ex modo communis loquendi aliquam alligationem ad certum ac determinatum spatium importare. Propriissime autem ea dicuntur esse in loco, quæ sunt circumscriptive.

Alii quoque modi essendi in loco describuntur a S. Thoma, quos utile judico hic referre. Esse namque in loco significat aliquam determinationem ad locum. At *quod aliquid*

Deus
propter non est
in loco.

Alii n.odi
essendi in loco
describuntur:

- (1) Præsentiam hanc duplēcēm, definitivam et circumscriptiveam, egregie declarat S. Augustinus epist. 166 (el. 28) ad Hieronymum.

determinetur ad locum aliquem, hoc non est, nisi in quantum per aliquem modum applicatur ad locum illum, et non ad alium. Hec autem applicatio vel intelligitur secundum situm aut contactum, vel secundum formam vel secundum operationem aliquam. Secundum formam, sicut anima est in corpore; quo modo angelus in re locali esse non potest, cum non sit actus corporis. Secundum determinatum situm, sicut punctus in linea, quam determinant: quo modo angelus in loco non est, quia essentia ejus omnino a situ absoluta est. Secundum contactum, sicut in loco est corpus. Contactus autem dicitur duplicitur: propriae et metaphoricae. Proprie tangere est habere ultima simul. Et patet, quod hoc angelo convenire non potest. Tactus autem metaphoricus est per actionem, sicut dicitur contristans tangere; et iste tactus angelus potest convenire (1). Inter hos modo praesentiae localis ex Angelico Doctoro relatos praecepit notandum est ille, qui dicitur per contactum sive proprium sive metaphoricum. Contactus proprius vocatur etiam quantitatibus, metaphoricus vero contactus virtutis vel per operationem: contactus quantitatibus vel per quantitatem dimensivam consistit in eo, quod duo se tangent eo modo, quo se tangunt corpora quanta, nimirum ita ut sola extrema seu superficies sint simul, et quidem una pars cum una parte alterius superficiei et altera cum altera: hunc contactum habent cum loco ea, que sunt circumscriptive. Contactus virtutis in eo consistit, quod virtus unius applicetur, vel exerceatur circa aliud, id quod fit per operationem, ita tamen, ut rem explicat S. Thomas, quod per operationem non intelligatur sola motio, sed quocumque unitio, que sua virtute se corpori unit (loquitur de Angelo S. Doctor), praesidendo vel continendo vel quocumque alio modo (2). Duplicem hunc contactum sepe meminuit Aquinas (3), et egrégie quoque declarat discrimen utriusque: Differt tactus virtutis a tactu corporeo in tribus: Primo quidem quia hoc tactu (virtutis) id, quod est indivisible potest tangere divisibile: quod in tactu corporeo non potest

nempe
secundum
formam,

et secundum
contactum, sive
quantitatibus
sive
virtualem.

Discrimen
inter contactum
quantitatibus
et virtutis.

- (1) S. Thom. 1.^a dist. 27, qwest. 3, art. 1.
 (2) S. Thom. Quodlib. 1. art. 4.
 (3) Vide v. g. loc. nup. cit.; et i p., qwest. 8, art. 2, ad 1.^{um} et 2.^{um}; qwest. 52, art. 1, qwest. 53, art. 1, qwest. 75, art. 1, ad 3.^{um}, etc.

accidere, nam puncto non potest tangi nisi indivisible aliquod; substantia autem intellectualis quamvis sit indivisibilis, potest tangere quantitatem divisibilem, in quantum agit in ipsam. Alio enim modo est indivisible punctum et substantia intellectualis; punctum quidem est sicut quantitatis terminus, et ideo habet situm determinatum in continuo, ultra quem porrigi non potest; substantia autem intellectualis est indivisibilis quasi extra genus quantitatis existens: unde non determinatur ei indivisible aliquid ad tangentem. Secundo (differit uterque contactus), qui tactus quantitatis est solum secundum ultima; tactus autem virtutis est a. totum, quod tangitur (i. e. circa quod virtus et operatio exercetur); sic enim tangitur, secundum quod patitur, et movetur; hoc autem fit secundum quod est in potentia; potentia vero est secundum totum, et non secundum ultima totius: unde totum tangitur. Ex quo patet tertia differentia; quia in tactu quantitatis, qui fit secundum extrema, oportet esse tangentis extrinsecum ei, quod tangitur; et non potest incidere per ipsum, sed impeditur ab eo; tactus autem virtutis, qui competit substantiis intellectualibus, cum sit ad intima, facit substantiam tangentem esse intra id, quod tangitur, et incidentem per ipsum sine impedimento (1).

Ut vero jam ad propositum questionem respondeamus, sit.

256. PROPOSITIO 1.^a Substantiae spirituales nequeunt esse in loco circumscriptive, sed tantum definitive ac per contactum virtutis; substantiae vero corporeae constituuntur in loco circumscriptive.

Propositio, supposita terminorum explicatione, quam in antecessum premissimus, vix eget probatione. Primo dicimus spirituales substanzias non posse esse in loco circumscriptive. Ratio vero in promptu est. Nequit enim esse in loco extense ac per partium commensurationem, quod partibus penitus caret. Atqui omnis substantia spiritualis caret partibus. Ergo... Unde substantiae spirituales sunt definitive. Certum enim est ejusmodi substanzias ubicari posse intra certum aliquem locum, si possunt circa corpora suam exercere

Substantiae
spirituales non
sunt in loco
circumscriptive,
sed tantum
definitive,

- (1) S. Thom. Contr. Gent., lib. 1, cap. 56, paragr. Est autem quidam.

virtutem atque operationem, eamque restrictam ac determinatam ad limitatum aliquod spatum et locum. Atqui possunt substantiae spirituales, ac nominatim angeli, ut supponimus ex Theologia, virtutem exercere circa corpora: eam autem non nisi ad certum spatum restrictam exercere possunt, quia ubique posse operari simul et per modum unius, est virtutis duntaxat infinitae, quaem angeli non habent (1). Ergo substantiae spirituales sunt per contactum virtutis ac definitive ita, ut non excurrat eorum praesentia ultra certum spatum (2). Aliunde vero non sunt in spatio indivisibili, ut quidam putaverunt, *imaginationem transcendere non valentes et indivisibilitatem angelii ad modum indivisibilitatis puncti cogitantes*. Sed manifeste decepti sunt: nam punctum est indivisible habens situm, sed angelus est indivisible extra genus quantitatis et situs existens. Unde non est necesse, quod determinetur ei unus locus indivisibilis secundum situm; sed vel divisibilis vel indivisibilis, vel major vel minor, secundum quod voluntarie applicat suam virtutem ad corpus majus vel minus. Et sic totum corpus, cui per suam virtutem applicatur, correspondet ei ut unus locus (3). Si ergo substantiae spirituales intra certum spatum, tamquam locum eorum aequaliter continantur, oportet, ut totae sint in singulis partibus, ac proinde definitive ac spirituali modo. Verum haec quatenus respiquent angelos, theologica sunt, solumque summatum hic tractantur ad doctrinæ complementum melioremque rei intelligentiarum.

Quod vero anima rationalis sit definitive in corpore, quod informat, patet ex ejus munere ac fine. Si enim forma est corporis, ut suo loco probabitur, necesse est, ut actuet corpus ac vivificet, atque adeo debet esse ubicumque officium istud exercete, et quidem tota in singulis partibus, quas informat, quia simplex est atque indivisibilis. Id ipsum,

(1) Vide S. Thom. i p. quest. 52, art. 2; et quest. 53, art. 1; i.º dist. 37, quest. 3, art. 2.

(2) Nolumus tamen hic definire, sed Theologis difiniendam relinquimus questionem illam, utrum praesentia definitiva angelii in loco immediate fundetur in operatione, an in ejus substantia.

(3) S. Thom. i p. quest. 52 art. 2; i.º dist. 37, quest. 3, art. 2; lib. 2.^o Contr. Gent. loc. nup. cit

quod de anima rationali diximus, dicere debent de omnibus formis ii, qui eas indivisibles esse putant. Quamvis formas quidem corporum non viventium jam diximus non esse indivisibles; quid autem de formis viventium seu de animabus tenendum sit, suo loco, Deo volente, dicemus.

Denique quod corpora circumscriptive sint in loco, patet primum experientia: deinde ratione, quia corpora sunt extensa, extensa vero habent partes extra partes; at quæ habent partes extra partes nequeunt omnes illas in singulis spatiis aut loci partibus constituere, sed singulas singulis adaptatas commensuratasque.

Hinc facile capies, cur a S. Thoma dicantur angeli esse in loco *a quivoce*, nempe comparatione facta cum modo, quo sunt corpora in loco. *Angelo convenit esse in loco*, inquit: *a quivoce tamen dicitur angelus esse in loco et corpus*. Corpus enim est in loco, per hoc, quod applicatur loco secundum contactum dimensiona quantitatis, que quidem in angelis non est, sed est in eis virtutis. Per applicationem igitur virtutis angelicae ad aliquem locum qualitercumque dicitur angelus esse in loco corporeo. Et secundum hoc patet, quod non oportet dicere, quod angelus commensuretur loco, vel habeat situm in continuo; hoc enim convenit corpori locato, prout est quantum quantitate dimensiona (1).

Simili modo intelligitur id, quod alibi docet Angelicus, corpora quidem contineri a loco, secus vero substantias spirituales. Nam *substantia incorpore sua virtute contingens rem corpoream, continet ipsam, et non continetur ab ea*. Anima enim est in corpore ut continens, et non ut contenta: et similiter angelus dicitur esse in loco corporeo, non ut contentum, sed ut continens aliquo modo (2).

*corpora vero
circumscriptive.*

*Cur angeli
dicantur esse
in loco
a quivoce.*

*Corpora quidem
continetur
a loco;
secus substantias
spirituales.*

(1) S. Thom. i p. quest. 52, art. 1. Cfr. ib. quest. 53, art. 1.; et i.º dist. 37, quest. 4, art. 1.

(2) S. Thom., i. p., quest. 52, art. 1. Cfr. ib. quest. 53, art. 1. et 2 fin.; et i p., quest. 8, art. 1 ad 2.^{um} etc.

257. PROPOSITIO 2.^a Quamvis ratio, cur corpora sint in loco circumscriptive, repetatur ex quantitate dimensiva; non tamen absolute ac metaphysice repugnat, ut corpora, etiam affecta quantitate, definitive constituantur in loco.

Corpora sunt in loco circumscriptive ratione quantitatis;

Prima pars: *corpora sunt in loco circumscriptive ratione quantitatis;* non eget probatione. Etenim ratio, cur corpora constituantur in loco circumscriptive, est actualis eorumdem extensio, qua fit ut partes integrantes ex interna exigentia aliæ sint extra alias. Atqui actualis extensio provenit a quantitate, ut jam abunde declaratum est. Itaque nec substantia corporea, nec materia prima, nec forma substantialis, nec qualitates, nec ulla corporis accidentia sunt in loco circumscriptive ratione sui, sed sola quantitas, et ratione illius reliqua omnia: quia sicut sunt extensa propter quantitatem, ita etiam propter solam illam commensurantur loco.

non repugnat tamen corpora etiam quantitas esse in loco definitive.

Secunda pars: *non repugnat absolute, ut corpora, etiam quantitate affecta, constituantur in loco definitive.* Ex praecedenti parte propositionis plane sequitur corpora, si spoliarentur quantitate, non futura esse in loco circumscriptive, seu modo quantitativo. Nunc autem probare volumus, nullum absurdum secuturum esse, si corpora, adhuc retenta quantitate, privarentur modo ubicacionis circumscriptivæ. Unde ulterius infertur, posse Deum per miraculum corpora definitive constituere in spatio, quamvis id per nullam causam naturalem fieri possit. Res porro facile probatur supposita certa et communis Theologorum doctrina. Nam certum est in Sma. Eucharistia Corpus Christi Domini quantum esse. Atqui non minus certum est, idem Corpus sanctissimum non esse circumscriptive in venerabili Hostia, sed totum in tota et totum pariter in singulis partibus Hostiæ, praesentia videlicet sacramentali vel definitiva. Ergo... Isto autem facto certo supposito, possumus etiam rationem rei reddere, ex formalis effectu quantitatis desumptam. Nam quantitatis proprium est munus, reddere corpoream substantiam extensem. Sed in extensione duo possunt distinguiri: ipsa actualis positio partium extra partes, et interna exigentia ponendi partes alias extra alias: fere sicut in igne distinguiri potest ipsa combustio actualis et vis exigens comburere, et generatim in

omnibus proprietatibus physicis distingui potest exigentia certi actus vel muneris, et actus ipse secundus conformis tali exigentiae. Quæ duo, plane intelligitur non repugnare, ut invicem separantur ita, ut possit actus secundus, manente primo, abesse. Et hoc pacto solent explicari multa miracula, qua contra nature vires et exigentias divinitus fiunt. Ad hunc ergo modum plane concipitur, illud esse quantitatis munus penitus inseparabile, ut reddat substantiam *aptitudinaliter extensem*, seu exigentem partes habere alias extra alias, et consequenter locare illas circumscriptive, ita tamen ut etiam non detur actualis extensio et actuali extensioni respondens ubicatio circumscriptiva, non repugnet salvam manere essentiam ipsam realitatemque quantitatis (1).

258. PROPOSITIO 3.^a Extrema superficies molis mundane non est actus in loco, sed tantum potentia.

Variæ fuerunt hac de re veterum sententiae, ut videre est apud Conimbricenses (2) aliosque auctores (3). Verum res breviter expeditri potest.

Probatur primum. Locus est ultima superficies corporis ambientis. Ergo ubi nulla est superficies aliud ambiens, actu locus esse nequit. Atqui extrema mundane molis superficies non habet ulteriore superficiem, qua circundetur et contingatur. Ergo.

Probatur alterum. Quia ultra extremam, qua nunc de facto mundus terminatur, superficiem dari possent per divinam virtutem alia corpora, quorum profecto ultimæ superficies rationem veri loci haberent respectu actualis hujusc mundi. Potest ergo hic mundus locum habere, quamvis actu non habeat; atque adeo est in loco potentia.

Alio modo possunt, solentque dici partes interiores continui esse potentia in loco, quatenus nempe possunt dividiri a *partes interiores cujusvis corporis possint*

Extrema superficies mundi non est actus in loco,

sed tantum potentia.

Quo pacto

(1) Cfr. ea quæ superius scripta sunt de formalis quantitatis effectu.

(2)

Physicor.

lib. 4, cap. 5, quest. 2.

(3) Vide etiam Rubrum (*Ibid. tract. de Natura loci*, quest. 4), Toletum (*Ibid. quest. 7*), Benedictus Pererius (*de communibus etc. lib. 11, cap. 8*), Complutenses (*Physic. disp. 19, quest. 6*), et Mastrum (*Physic. disp. 11, quest. 4, art. 1*).

dici etiam esse
potentia in
loco.

aliam. Itaque quamvis partes continui, quamdui sunt unitæ, non ita comparentur invicem, ut aliae aliarum sint actu locus veri nominis, possunt tamen, divisione peracta, rationem conditionemque loci respectu aliarum assequi. Plura si cupis, apud priscos scriptores require.

ARTICULUS III.

An diversa corpora possint simul in eodem
esse loco.

Quid
penetratio,
et quotuplex.

Ouid
Proprie
compenetratio,

Status
questionis.

259. Quæstionem istam ad sola corpora restringimus, quia dubium non est, quin spiritus possint tum inter sese, tum etiam simul cum corpore naturaliter penetrari. Præsentia duorum vel plurium corporum in eodem loco vocata penetratio vel compenetratio. Penetratio vero potest magis minusve proprie sumi, primo quidem pro ingressu corporis unius in aliud ope divisionis partium: quo pacto pugio et gladius penetrant secando corpus. Secundo penetrare dicitur sine divisione illud, quod ingreditur aliud, poros et interstitia inter partes ejus relicta occupando: sic aqua penetrat spongiæ, et aër poros corporum replet. At sensu proprio penetratio obtinet cum unum corpus eundem cum alio locum tenet, atque partes unius et alterius eidem prorsus spatio sunt præsentes; et ejusmodi penetratio dicitur compenetratio, differtque a prioribus penetrationibus in eo, quod in illis partes unius, qua intra partes alterius esse dicuntur, rapere sunt solum juxta posita ac proxima partibus illius, nullæ tamen eundem numerice locum vel eamdem loci partem occupant, ac proinde non sunt nisi apparentes quedam penetrations: quare compenetratio proprie dicta opponitur impenetrabilitati, quam diximus esse formalem effectum quantitatis. Quæstio ergo nunc proposita respicit veri nominis compenetracionem vel plurium corporum in eodem loco constitutionem. Qua de re communis est, paucis exceptis ea veterum pariter ac recentiorum persuasio, plura corpora esse in eodem loco naturaliter non posse. Difficultas ergo solum esse potest circa possibilitatem compenetracionis per virtutem divinam. Catholici communiter tenent posse divinitus plura corpora compenetrari, vel eundem

locum occupare, reclamantibus Protestantibus aliquique hæreticis ac rationalistis. Ut porro res melius et accuratius declaretur, nota compenetracionem trifariam concipi posse; primo ablata quantitate saltem ab uno corpore: et hoc modo supposita possibilitate hujus ablationis, quæ omnino concedenda videtur, planum est compenetracionem minime repugnare; quandoquidem corporea substantia ex sese non habet impenetrabilitatem, sed eam a quantitate accipit. Secundo intelligi potest corporum compenetratio fieri retenta quidem quantitate, sed impedita extensione actuali saltem in uno illorum: et neque sic est ulla inter catholicos controversia, nam de facto in Sma. Eucharistia hoc modo habetur compenetratio Corporis Domini cum quantitatibus panis et vini (1). Tertio ergo concipi potest compenetratio ita, ut corpora, suam retinentia non solum quantitatem, sed etiam actuelam extensionem vel modum essendi quantitativum, eundem prorsus occupent locum. Et in hoc sensu videtur Durandus rem hanc tractasse problematica, utramque sententiam, et ajentem et negantem, probabilem existimans (2): quam Durandi doctrinam probabilem reputavit Paludanus apud Suarez (3). Eamdemque sententiam Cardin. Lugo (4) pluribus antiquis et recentioribus suppresso nomine tribuit: et ab aliis etiam Scoti (5) tribuit solet, licet Maistris Subtilem Doctorem ab hac calumnia purgat (6). Verum communis Theologorum Philosophorumque christianorum sententia est, posse per divinam virtutem plura corpora constitui in eodem loco non solum definitive, sed etiam circumscriptive, seu non solum impedita in omnibus vel saltem in uno actuali extensione, sed etiam ita, ut omnia et singula retineant suam extensionem, et per eam locum

(1) Hos duos tamen modos non vere nomen mereri compenetracionis putat Suarezius (*de Eucharistia*, disp. 48, sect. 4, probat. 3.^a propositionis 3.^m).

(2) Vide Durandum 4.^a dist. 44, quæst. 6.

(3) *De Mysteriis Vita Christi* (tom. 3.^a *de Incarnat.*), disp. 48, sect. 5.

(4) *De Eucharist.* disp. 5, sect. 1, num. 7.

(5) 4.^a disp. 49, quæst. 16, ad 2.^m.

(6) *Physic.* dist. 11, quæst. 7, num. 101.

repleant. Ita S. Thomas (1), S. Bonaventura (2), Henricus Gandavensis, Richardus, Argentinas (3), Scotus (4), Capreolus (5), Suarez (6), Lugo et Conimbricenses (7), Cardin. Bellarminus (8), Valentia (9), Rubius (10), aliquae innumeris auctores, quos supervacaneum judico referre, jam enim dum doctrina haec communis in scholis catholicis evasit.

Quo pacto
duo corpora
se invicem
repellant
ab eodem loco.

Quæstionem porro istam plene tractare non possumus, quin dispiciamus, quomodo corpus unum excludat aliud e suo loco. Recentiores enim sat frequenter, et quidam etiam veteres (11), putant id fieri per efficientiam quamdam et activitatem, quam *vim resistendi* vocant, cuius ope corpus locum unum non sinit aliud corpus suum ingredi. Probabilior tamen est aliorum sententia, qui cum S. Thoma (12), Suarez (13), Antonio Rubio (14), Alphonso Malpartidensi (15), Rhodes (16), Hurtado (17) alisque docent duo corpora se invicem excludere ab eodem loco, non per efficientiam aliquam vel activitatem, quam alterum in alterum exerceat, sed per quamdam formalem repugnantiam et

(1) 3 p. quæst. 54, art. 1; 4^o dist. 44, quæst. 2, art. 2, solut. 3; opus. *de Trinit.* super Blæt, quæst. 4, *de his que ad causam pluralitatis pertinent*, art. 3.

(2) 4^o dist. 49, part. secund. art. 4, quæst. 1.

(3) Apud Conimbricenses (*Physic.* cap. 5, quæst. 4, art. 2), Complutens. (*Physic.* disp. 19, quæst. 7, num. 56), Joann. a. S. Thom. (*Physic.* quæst. 16, art. 4).

(4) Loc. nup. cit.

(5) 4^o dist. 44, quæst. 3, art. 3

(6) *De Mysteriis Vita Christi.* loc. cit.

(7) Loci citatis.

(8) *De Eucharist.* lib. 3, cap. 6.

(9) *De Incarnat.* disp. 2, quæst. 2, punct. 2; et quæst. 5, punct. 2.

(10) *Physic.* lib. 4, tract. *dé natura loci*, quæst. 6.

(11) Ita v. g. Ovidius (*Physic. Controv.* 15, punct. 11).

(12) S. Thom. 4^o dist. 44, quæst. 2, art. 2; 3 p. (*Suplement.*) quæst. 83, art. 2, 3; *Quodlib.* 1, art. 21.

(13) *Metaphys.* disp. 43, sect. 1, potissimum. num. 9, 10.

(14) *Physic.* tract. *de natur. loci*, quæst. 6, num. 65; et *de Gener. et corrupt.* lib. 1, cap. 9, quæst. 1.

(15) *Physic.* disp. 22, sect. 9, a num. 60.

(16) *Philos. perip.* lib. 2, disp. 4, quæst. 1, sect. 5; et disp. 10, quæst. 1, sect. 3.

(17) *Physic.* disp. 9, sect. 10.

incompossibilitatem: unde colligunt impenetrabilitatem corporum vel resistentiam, quam opponunt, ne alia locum suum simul teneant, exerceri non in genere cause efficientis, sed *quasi* in genere cause formalis. Alii demum actualem impenetratatem dicunt consistere in modo quodam corpori actualiter extenso superadditum, qui naturaliter inest illi, dum autem inest, impossibile est prorsus duo corpora eundem tenere locum; qui tamen potest auferri per virtutem divinam, eoque ablato, possunt jam corpora compenetrari.

260. PROPOSITIO 1.^a Actualis impenetratio nihil intrinsecum addit supra extensionem actualem corporum se repellentium ab eodem loco.

Prob. 1.^o Eo enim ipso quod corpus sit actu extensem, jam habet partes suas in diversis partibus loci constitutas. Et etiamsi nihil aliud superaddatur supra earum entitatem quam, jam sufficienter intelligitur, sicut ipsæ sunt ex interna exigentia aliae extra alias, ita etiam debere esse extra quaslibet alias partes cujuslibet alterius corporis.

Actualis
impenetratio
nihil intrinsecum
addit supra
extensionem.

Dices. Actualis extensio localis, qua partes ejusdem corporis sunt aliæ extra alias, est, prout nos ipsi docuimus, modus quidam distinctus a quantitate. Ergo actualis etiam impenetratio cum alio quanto, ratione cuius partes unius corporis repellunt partes alterius, in modo simili consistere dicenda est.—*Resp. neg.* parit. Modus enim, quem diximus addere actualem extensionem supra quantitatem, non est nisi modus ubicationum distinctarum singulis partibus ex insita quantitatibus exigentia convenientium. Quantitas enim licet tribuat seipsa formaliter et essentialiter partibus *exigen-tiam* occupandi diversum locum, seu mutuo se repellendi; actum tamen istius exigentia non tribuit seipsa formaliter, sed per modum superadditum distinctarum ubicationum. At vero cum partes unius corporis jam actu sunt ubicata distinctis ubicationibus per actualem extensionem, non apparet illa necessitas novi modi superadditi ad conservandum suum locum ab eoque repellendas alias cujusvis corporis partes. Quod ut amplius pateat.

Probatur præterea assertio ex eo, quod impenetratio actualis concipiatur a nobis, et videtur esse quoque re ipsa, pura

negatio penetrationis. Atqui modus nequit esse pura negatio. Id porro melius intelliges, si unum dumtaxat fingas in mundo corpus. Amove ab hoc corpore, quidquid non identificetur cum sua entitate et actuali extensione. Corpus istud profecto actu impenetratum est. Quod autem corpus istud sit actu impenetratum, non potest consistere in modo, nec in illa repositiva.

Dices iterum. Corpus actu penetratum et corpus actu impenetratum differunt. Atqui nequeut differre, nisi ponamus aliquem modum in corpore actu impenetrato. Ergo... Et confirmatur, quia impenetratio actualis potest separari a corpore actu extenso et impenetrabili. Ergo actualis impenetratio aliquid superaddit. — Resp. Corpus impenetratum et corpus penetratum necesse non est, ut intrinsece differant, sed satis differunt in obliquio per connotionem ad aliud corpus, quod sit, vel non sit simul in eodem loco per virtutem et efficientiam divinam. Ideoque nec est necesse, ut actualis impenetratio quidquam intrinsecum addat supra corpus extensem et impenetrabile (1).

261. PROPOSITIO 2.^a Plura corpora naturaliter nequeunt sese compenetrare, seu simul in eodem loco, constitui.

Duo corpora
nequeunt
naturaliter sese
compenetrare.

Prob. 1.^o Experientia ipsa. Est enim hoc factum constantissimum in natura, ut corpora omnia, que subiecti observationi possunt, sive dura ea sint, sive mollia, sive solida, sive liquida, sive aëriformia, penetrationi resistant: videbis quidem corpora quædam, urgente alio, comprimi et in exiguum volumen contrahi, aut etiam loco cedere, at nunquam videbis due corpora eamdem prorsus ubicationem habere, idemve occupare spatium.

Prob. 2.^o Ratio, cur corpus constitutum in loco circumscriptive, est impenetrabilis, cuius ope partes aliae extra alias triduntur invicem, actuali extensioni efficiente. Ergo ubicumque adest impenetrabilitas, naturaliter sequi debet actualis repulsio quarumcumque partium, etiam alieni corporis: eadem enim viget ratio, immo major, ut partes

(1) Cfr. Rhodes (Oper. cit. lib. 2, disp. 4, sect. 5, paragr. 3), Lugo (loc. cit.), Arriaga (*Physic.* disp. 14, sect. 7, num. 118, 119), etc.

alterius corporis, quam proprias, repellat; siquidem partes proprias corporis ejusdem unam totam substantiam conflant invicem copulate. Atqui omnia corpora vi quantitatis habent naturaliter impenetrabilitatem. Ergo debent se invicem a proprio loco repellere. Apposite S. Thomas: *Corpus humanum* (idem prorsus intellige de quovis alio) *prohibetur esse cum alio corpore in eodem loco*. Est ergo considerandum, quid sit hujusmodi prohibens... Et... dicendum est, quod hoc prohibens nihil est aliud, quam dimensiones, quibus substantia corporalis: *necesse est enim, ut id quod est per se, sit in unoquoque genere*. Distinctio autem secundum situm primo et per se convenienti quantitati dimensione, quæ definitur esse quantitas positionem habens: unde et partes in subjecto ex hoc ipso distinctionem habent secundum situm, quod sunt subjecta dimensioni. Et sicut est distinctio diversarum partium unius corporis secundum diversas partes unius loci per dimensiones; ita proper dimensiones diversa corpora distinguuntur secundum diversa loca (1).

Dices: a) vas plenum cinere, potest adhuc aquam in se recipere: b) lux est in aere simul cum ipso, et in ferro candenti ferrum ignis penitus permeat: c) panis in aquam injectus madescit, eaque quaquaversus imbibitur: d) similiiter forma materiam, variaque qualitates totum corpus pervadunt. Atqui haec aliaque id genus videntur compenetrationem praesentem.

Resp. neg. Minor. Nam a) primum horum solum probat inter particulas cineris aerem delitescere, quo expulso remanet in vase locus aquæ, ut simul cum cinere contineatur absque veri nominis compenetratione. Ad b) respondetur lucem non esse corpus, sed qualitatem corpoream: similiter in ferro candenti non est aliud corpus præter ipsum ferrum calore accidentaliter modificatum. Tertium quoque c) quod objiciebatur, nullum facessit negotium; siquidem aqua vera non compenetratur cum pane, sed partes illius intra pores hujus ac meatus excipiuntur, unde fit etiam ut panis ex aqua contactu madefiat, et accidentaliter mutetur. Itaque in his aliisque similibus exemplis non datur nisi vulgaris et

(1) S. Thom., *Quodlib. 1*, art. 21.

Impropria penetratio, nempe intromissio unius corporis intra meatus alterius δ) Denique quod materiam et formam attinet variasque corporum qualitates, negandum est suppositum. Nam neque materia est corpus, neque forma nec qualitates, nec omnia hec *idem corpus* diversa afficiuntur quantitate, sed una dumtaxat omnibus communī. Nihil ergo mirum, si sub singulis partibus integrantibus ejusdem quantitatis singulae partes formae singulas materiae actuent in eodem spatio, itemque singulae partes qualitatibus singulas partes corporis. Et ratio est, quia singulae partes integrantes corporis plenam essentiam ejusdem sortiuntur: ergo materia et forma intime unitis ac penetratis constant, oportet, pariterque specificis qualitatibus ex tali essentia manantibus. Alter dicendum est de materia et forma qualitatibusque *diversorum corporum*; quia diversis quantitatibus afficiuntur, ab iisque invicem impenetrabiles redduntur.

262. PROPOSITIO 3.^a Corpora non videntur se invicem repellere ab eodem loco efficienter seu per vim aut impulsu sibi invicem impressum, sed quasi in genere cause formalis, nimirum per formalem incompossibilitatem.

Corpora
non se repellunt
ab eodem loco
effective, sed
potius
formaliter.

Probatur. Quod unum corpus non repellat aliud ab eodem loco in genere cause efficientis, nimirum agendo in illud, ac impulsu aliquem imprimendo, videtur experientia ipsa quodammodo probari. Si quis enim manum aut aliam partem corporis admoveat parieti vel lapidi vel ligno, etc., usque ad contactum, nullum profecto impulsu ex eo provenientem experitur. Quod si in corporibus liquidis et aëris formibus dantur pressiones in omnem directionem, illæ non sunt effectus impenetrabilitatis, sed tantum naturales conatus virtutis cuiusdam expansiva. Idem quoque persuadet ratio: nam cum impenetrabilitas sit formalis effectus quantitatis, si repulso, qua corpus unum prohibet, ne alterum ingrediatur suum locum, foret actio aliqua, ea refundenda esset in ipsam quantitatem. Atqui quantitas non est per se ipsam activa nec principium ullius efficientie, ut jam probatum est in *Ontologia* (1).

(1) *Ontolog.* num. 399, pag. 1149.

Hinc vero sequitur impenetrabilitatem ac repulsionem corporum ab eodem loco ad genus causalitatis formalis revocandam esse. Quamquam enim corpus quantum non se habeat proprie ad locum tamquam forma ejus, nihilominus in ordine ad impenetrationem cum alio servat analogiam quamdam cum vera propriae forma. Sicut enim una forma, etiamsi activa non sit, non patitur secum existentiam alterius formæ contrariae in eodem subjecto, ita etiam corpus quantum incompossibile est simul cum alio in eodem loco, ac proinde naturaliter exigit, ut in sensu composito præsentis sue in eo Deus non conservet presentiam alterius. Et ideo ipsum resistit, ne aliud accedat ad suum locum; et si nulla vis extrinsecus per aliquam efficientem causam inferatur, de facto nullum aliud corpus eodem penetrabit. Quod si, ut saep fit, vis inferatur impulsu aliquo extrinsecus impresso, prius recedit ipsum e suo loco, ut alterum in illum subintret. Quamobrem duplex distinguenda est cum pluribus priscis scriptoribus resistentia (1): *positiva* et *negativa*. Positiva est illa, qua retardatur actio agentis, eo quod passum producat in eo aliquid contrarium. Hujus rei exemplum manifestum habes in luctantibus contraquit nitentibus: qui enim alteri vim facient positive resistit, contrario in illum impressu impulsu actionem illius infirmit, aut etiam penitus elidit, atque enervat. Hujusmodi resistentia vera est actio, unde etiam activa appellari solet; potentiaque, unde proficiscitur, activa potentia est. Negativa resistentia est non admissio vel retardatio actionis agentis proveniens ex incompatibilitate seu repugnancia alicuius formæ cum forma, quam agens conatur introducere. Ad hujus generis resistentiam nulla requiritur actio, sed sufficit mera contrarietas et incompossibilitas formarum, ideoque vocari etiam solet *formalis*, quamquam formalis resistentia non videtur universaliter identificari cum negativa. Cum enim dentur formæ, quæ etiam activæ sunt, resistentia formalis licet non exigat, sed neque necessario

Duplex
resistentia:
positiva
et *negativa*
et *formalis*.

(1) Vide Suarez (disp. 43, *Metaphys.*, sect. 1, num. 9 et 10), Ruybium (*de Gener. et corrupt.* lib. 1, cap. 9, quest. 1), Rhodes (*Op. cit.*, lib. 2, disp. 10, quest. 1, sect. 3), Hurtadum (*Physic.* disp. 9, sect. 10), Lassada (*de Gener. et Corrupt.* disp. 3, cap. 5).

excludit actionem, sicut negativa, sed potest conjuncta esse cum illa. Potest ergo corporum inpenetrabilitas optime declarari absque ulla actione, per modum formalis incompossibilitatis vel negativæ formalis resistentie.

Dices. Si dues quantitates formaliter vel negative se excluderent ab eodem loco, deberent esse contraria. Atqui non sunt: quia ut superius cum Aristotele docuimus, cum quantitatibus proprietates explicaremus, quantitas contrarium non habet. Deinde falsum est, quantitatem habere rationem forma respectu loci, nam occupatio loci non fit per informationem. Ergo nequit aliam in genere causaformis repellere.

Resp. Quantitates quidem non esse invicem contrarias, habere tamen quamdam analogiam cum contrariis; quia sicut contraria simul esse non possunt in eodem subjecto, sed se invicem repellunt, ita etiam in eodem loco dues quantitates vel duo quanta simul esse nequeunt, prout jam probatum est. Inde etiam fatemur quidem quantitatibus non habere veram rationem formæ respectu loci, ac proinde non diximus simpliciter repulsionem duorum corporum fieri proprie in genere formalis cause; sed ad illud revocari quodammodo posse, quia sit absque actione ad eum modum, quo dues formæ contrariae sunt simul incompossibilis in eodem subjecto.

263. PROPOSITIO 3.^a Non repugnat plura corpora, etiam actualem extensionem retinentia, per virtutem divinam compenetrari.

Corpora possunt per divinam virtutem compenetrari.

Compenetratio circumscripiva, definitiva et mixta.

Probatur compenetratio definitiva et mixta;

Agitur hic, ut vides, de compenetracione, quam vocant claritatis brevitatisque gratia *circumscripiva*, ad differentiam compenetracionis *definitiva* ac mixta ex utraque. Circumscripiva est compenetratio duorum corporum actualiter extensorum, quibus nempe competit locatio circumscripiva; definitiva est compenetratio corporum actualem extensionem non habentium, iis enim convenit esse definitive in loco; mixta denique est compenetratio corporum, quorum alterum caret, alterum actuali extensione praeditum est. Jam possibilitas hujus compenetracionis mixtae primo deducitur ex venerabilis Sacramento altaris, in quo Tridentinum Concilium sub unaquaque specie et sub singulis cuiusque specieibus...

totum Christum contineri, definit (1). Aliunde vero certum Theologice est Christum Dominum in Eucharistia quantum esse, licet non habeat actualem extensionem. Atqui negari nequit in Sacramento permanere quantitatem panis et vini, ut abunde probatum est superius. Ergo negari nequit in Eucharistia dari mixtam compenetracionem inter Sanctissimum Domini nostri Corpus et quantitatem panis et vini. Ratio etiam idem suadet: quia id quod penetrationi plurium corporum obssedit, est actualis eorumdem extensio. Ergo si ab aliquo eorum actualis extensio per divinam virtutem afferatur, poterit jam fieri compenetratio. Ex quo etiam patet non repugnare pure definitiva compenetratio. Verum hac validius confirmata manebunt, si probetur non repugnantia circumscripiva compenetracionis. Itaque

Prob. propositio 1.^o Ex factis partus virginis B. M. Virginis, Christi Domini resurgentis, ac lapidem sepulchrale transredientis, et mox conclave, in quo erant discipuli, januis clausis intrantis: que omnia SS. PP. ac Theologi ita interpretantur, ut insigni quadam miraculo, compenetratis corporibus actu extensis, contigisse arbitrentur. Quae vero Durandus et haeretici ad facta ista depravanda commenti sunt, pudet me, nec vacat referre: videri possunt non minus pie, quam erudite, protrita et explosa a P. Francisco Suarez (2).

Prob. 2.^o In circumscripiva corporum compenetracione non appetat ulla repugnantia. Ergo possibilis est per divinam virtutem. Consequientia patet, quia cum Deus sit omnipotens, posse facere dicendus est, quidquid non ostenditur intrinsece repugnans; potissimum si adsint facta certa, que divinam operationem præter communem rerum ordinem demonstrant. Prob. anteced. 2.) Non minus repugnat, ut corpus, licet quantum, habeat suas partes compenetratas, seu sit definitive in loco, quam ut unum corpus actualem extensionem habens in suis partibus, secum compatiatur aliud

(1) Concil. Trident., sess. 13 de Eucharist., canon. 3.

(2) Suarez /de Mysteriis Vite Christi, disp. 5, sect. 2; et disp. 48, sect. 5. Cfr. Bellarminus, Valentia, Lugo, (locis citatis), Joann. a S. Thoma (Physic., q̄est. 16, art. 4), etc.

corpus actu extensum intra suum locum. Atqui non repugnat per virtutem divinam corpus vere quantum definitive constitui in loco, privatum sua extensione actuali, ut probatum manet in altera propositione precedens articuli. Ergo nec repugnat, ut unum corpus actualem habens extensionem secum patiatur aliud corpus pariter actu extensem, videlicet ut duo vel plura corpora circumscriptive compenetrentur.

Probatur Major, nam cætera constant. Ex eodem prorsus principio nascitur repulso vel impenetratio partium corporis cuiuslibet inter se, et consequenter earum positio aliarum extra alias, ac repulso vel impenetratio totius cuiusvis corporis cum alio corpore, ac consequens inde positio eorumdem in diversis locis: nimirum utraque impenetratio oritur ex quantitate corporum. Itaque si non repugnat, ut partes ejusdem corporis etiam sub quantitate, quamvis exigent actualem repulsionem et constitutionem in diversis spatiis partibus, impediunt tamen per divinam virtutem, ne de facto naturalem illam exigentiam explant, ac proinde omnes eamdem ubicationem accipiunt; nec pariter repugnabit, ut duo corpora, licet extensione prædicta, prohibeantur per eamdem omnipotentiam divinam, ne actu se invicem repellant ab eodem loco.

Dices. Corpora ejusmodi essent penetrata simul et impenetrata: penetrata quidem, quia supponuntur in eodem loco; impenetrata vero, quia sunt actu extensa, nam actualis extensio actualem impenetrationem importat.—**Resp.**, neg. assertum, vel si mavis, *dist.*: essent penetrata simul et impenetrata respectu ejusdem vel secundum idem, *neg.*; essent impenetrata secundum proprias cuiusque partes, et penetrata cum alienis partibus, *conc.* Quænam autem est repugnans, ut naturalis exigentia actualis impenetrationis, quæ per impenetrabilitatem significatur, respectu quidem propriarum cuiusque corporis partium expleat, dum non expletur, impediente Deo, respectu partium alterius partis? Manifestum exemplum hujus non repugnantias habes in igne babylonico, qui eo ipso tempore, quo parcebat tribus sanctis pueris, voravit ministros regis (1).

(1) Vide librum Daniel. cap. 3.

Prob. anteced. principalis argumenti (2). Effectus formales quantitatis in corpoream substantiam hunc servant ordinem, ut primus sit exigentia extensionis actualis, secundus actualis ipsa extensio, ac tertius repulso cuiusvis alterius extensi corporis a suo proprio loco: accidens enim subiecto inherens effectum formalem tribuere debet prius secundum absolutum et intrinsecum modum se habendi in seipso, quam secundum extrinsecum et relativum modum se habendi respectu aliorum. Ergo sicut prius est ordine actualis extensionis exigentiam habere, quam ipsam actualem extensionem, ita etiam prius est duo hæc habere, quam actu excludere alia corpora e proprio loco: et sicut exigentia extensionis non dependet in suo esse ab actu extensione, ita hæc independens est a repulsione aliorum corporum a loco suo. Quare nulla cernitur repugnans in eo, quod corpus, licet actu extensem, patiatur presentiam alterius corporis pariter extensi intra suum locum.

γ) Denique corpora circumscriptive compenetra retinerent suam quodque distinctionem, suam quodque actualem extensionem, suam quodque etiam impenetrabilitatem, seu exigentiam naturalem impenetrationis. Ubinam ergo est contradicatio et repugnans in circumscriptive compenetratione?

SOLVUNTUR DIFFICULTATES.

264. **Objicis.** 1.^o Corpora compenetra eodem accidenti afficerent, nempe loco utrique communi. Atqui nequit idem accidens in duplice subiecto recipi. Ergo repugnat duo corpora compenetrari.

Resp. *dist.* Major. Eodem accidenti extrinseco, *trans.*; intrinseco, *neg.*

Et *contradist.* Minori, *neg.* *conseq.* Quemadmodum superius monuimus præter extrinsecum locum aliis intrinsecis distingui potest, quem si non vis appellare locum, non rixabor de voce, dummodo concedas ubicationem rei cuivis intrinsecam in eaque receptionem (1). Corpora ergo compenetrata haberent quidem unum locum et quasi accidens extrinsecum, non autem unum modum vel accidens intrinsecum

(1) Vide supra num. 248; et *Ontologiam*, num. 373.

ubicationis, sed unum quodque præsens esset eidem spatio ac loco per suum *Ubi* proprium ac distinctum. Undenam autem probas mihi, quod duplici enti non possit absolute respondere unum dumtaxat extrinsecum accidens? Nonne etiam idem numero locus et spatium respondet successive multis corporibus? Atqui non magis repugnat, ut unum idemque accidens in duplici subiecto simul, quam successive recipiat. Ergo nihil prouersus evincit objectio.

Objic. 2.^o cum Durando. Duo corpora se repellunt ab eodem loco ratione quantitatis. Ergo manentibus quantitatibus, matre repugnantia illorum, ut sint in eodem loco: quæ nullo modo potest auferri, cum sit formalis effectus quantitatis.

Resp. dist. consequens primum membrum. Manentibus quantitatibus, manet prædicta repugnantia naturalis et in ordine ad causas creatas, *conc.*; essentialis et in ordine ad omnipotentiam Dei, *neg.*; nam impenetratio non implicat negationem vel destructionem corporis extensi et naturaliter impenetrabilis, sed tantum statum præternaturalem.

Objic. 3.^o Cum eodem. Fieri non potest, ut partes quantitatis successivæ sint simul duratione. Ergo nec partes quantitatis continuæ permanentis in eodem loco. Quia sicut de ratione extensionis successivæ est prius et posterius in duratione ita de ratione permanentis est constitutio in diversis locis.

Resp. neg. conseq. et paritatem. Successio enim essentialiter importat extensionem in duratione secundum prius et posterius; ideoque repugnat successio sine hac extensione secundum prius et posterius, sicut etiam repugnat in corpore actualis extensio localis sine actuali positione partium ejus extra partes. At vero actualis expulsio alterius corporis e proprio loco non est de ratione corporis extensi, sed aliquid consequens; ac bene concepit dari posse corpus actu extensem, quin actu repellat aliud e suo loco. Brevi, ex eo quod plures partes motus sint in eadem duratione, tollitur prorsus successio; at ex eo quod corpus extensem actu non repellat aliud a suo loco, non tollitur quantitas nec actualis extensio illius.

Objic. 4.^o Duo corpora compenetrata distingui non possent; ea quippe distinguuntur, quæ divisa sunt, ac diversum

situm habent. Ergo eo ipso quod compenetrarentur, desinarent esse plura.

Resp. dist. Anteced. In seipsis non possent distingui, neque a Deo distinguerentur, *neg.*; a nobis ope sensuum, *trans.* Et *neg.*, *conseq.* Transmisæ autem alterum membrum distinctionis, tūnq; quia nihil refert, quod a nobis discerni non possent corpora compenetrata, cum in seipsis vere essent divisa secundum proprias entitatis et secundum proprium *esse* individuale; tum quia si prædicta corpora diversam figuram vel colorem haberent, possent etiam a nobis discerni.

Objic. 5.^o Repugnat eumdem locum bis impleri. Atqui bis impleretur, si corpora compenetrarentur. Ergo...

Resp. dist. Major. Per virtutem divinam *neg.*; naturaliter, *subdist.*: ex parte ipsius præcise loci, *neg.*, secus enim ne successive quidem posset a varis corporibus repliri; ex parte corporum ipsorum, quæ naturaliter non partantur aliud corpus eamdem simul eidem spatio præsentiam exhibere, *conc.*

Objic. 6.^o Intelligi nequit, quomodo fieri possit compenetratio. Ergo rejicienda est.

Resp. neg. antec. Jam enim diximus tripliciter hanc rem explicari a Scholasticis: alii putant corpora actu extensa egere modo positivo superaddito, per quem fiant actu impenetrabiles et impenetrare partes unius corporis cum partibus alterius corporis: unde ablato eo modo positivo per divinam virtutem nulla est repugnantia in duobus corporibus ad eumdem locum occupandum. Alii putant repulsionem duorum corporum ab eodem loco fieri per mutuam actionem contrariam: et quoniam nulla actio creaturarum exerceri potest sine divino concurso, potest Deus pro suo arbitrio secundum sapientię sua consilium, denegare concursum ad prædictam repulsionem, et sic cessante prorsus ex defectu divini concursus mutua repulsione, corpora eumdem locunt occupant. Duo isti modi, quamvis satis perspicuum rei conceptum præbeant, ut minus probables a nobis rejecti sunt. Itaque arbitramur impenetrabilitatem duorum corporum concipiendam esse instar formalis cuiusdam repugnantiae et incompossibilitatis, ratione cuius exigant non

Diversi modi
explicandi com-
penetratiōnem.

conservari a Deo simul in eodem loco. Quoniam autem haec repugnantia et incompossibilitas tanta non est, ut praesentia unius corporis extensi in loco sit formaliter negatio alterius, nec negatio quantitatis vel extensionis nec presentiae illius in eodem loco, quemadmodum satis patet ex superiori declaratis; haud ergo intelligitur, posse operatione divina supervari repugnantiam illam.

Objic. 7.^o Implicat plura corpora simul esse invicem actu impenetrabilia, et tamen actu compenetrari. Atqui id fieret, si duo corpora extensa eundem occuparent locum. Ergo...

Resp. dist. Major. Implicat plura corpora simul esse invicem actu impenetrabilia in actu primo, id est actu exigere repulsionem mutuam, et tamen actu compenetrari, *neg.*, sicut non implicat ignem combustivum esse in actu primo, seu exigere combustionem, et actu non comburere. Implicat plura corpora simul esse invicem actu impenetrabilia in actu secundo, et tamen actu compenetrari, *conc.*, quia impenetrabilitas in actu secundo idem valet, ac impenetratio actualis.

Objic. 8.^o Nequit dari forma sine suo effectu formalis. Atque expulsio alterius corporis a proprio loco est effectus formalis quantitatis. Ergo nequit corpus quantum compenetrari.

Resp. dist. Major.: nequit dari forma sine suo effectu formalis primario et essentiali, *conc.*; sine suo effectu formalis secundario et non essentiali, *neg.* Et *contraistimia Minore*, *neg. conseq.*

Quomodo se
habent corpora
compenetrata
in ordine
ad agendum
et patientium.

QUERES, quomodo se haberent duo corpora compenetrata in ordine ad agendum et patientium.

Respondeo perinde se habitura esse, quantum est de se, ac si non essent penetrata, sive in agendo in alia externa corpora, sive patiente ab aliis. Nihilominus si corpora ipsa compenetrata contrariae prædicta essent qualitatibus, activitas unius retardaretur, ac modificaretur activitate alterius. Præterea neutrum ex corporibus compenetratis fortasse posset naturaliter loco moveri, altero immoto remanente; et ratio est, quia nequit dari in talibus corporibus motus localis, quin partes cum aliis novis partibus compenetrarentur,

nempe quin novæ darentur compenetrations partium; at nulla compenetratio est possibilis sine miraculo. Ergo nisi novum Deus miraculum patret, nullum ex corporibus compenetratis loco moveri potest, alio immoto remanente (1).

ARTICULUS IV.

**Utrum idem corpus possit replicari seu simul
in pluribus locis adæquatis constitui.**

265. Agredimur ultimam controversiam earum, quæ resipicunt corpus extensum respectu loci. **Replicatio** vel **multilocatio** est simultanea unius ejusdemque entis existentia in duabus vel pluribus locis totalibus seu spatiis adæquatis. Loci autem totales et adæquati sunt illi, quorum singuli sufficiunt enti, spectata sua natura et modo consenteo ubicationis: ut si ponas te simul esse hic et Romæ. Itaque non sufficit ad replicationem positio rei in multis partialibus locis, ut evenit in corporibus extensis, que quamvis habeant partes suas in totidem locis partialibus constitutas, nequeunt dici replicata, quia ex omnium illorum complexu locus eorum totalis et adæquatus resultat. Simili modo anima rationalis non est replicata, quamvis sit tota in singulis partibus corporis; quia locus illius adæquatus est totum corpus, quod informat. **Triplex** distingui solet per replicationem: *circumscriptive* seu *quantitative*, *definitiva* et *mixta*: *circumscriptive* est propria dumtaxat corporum, obtinetque, cum corpus est multis in locis circumscriptive; *definitiva* datur, cum res in omnibus locis est definitive; *mixta* demum, cum corpus in uno loco est circumscriptive et in aliis definitive. Si Dominus noster Jesus Christus est replicatus mixta replicatione, in celo videlicet circumscriptive, et in sacramento definitive vel quasi definitive seu sacramentaliter.

Quid replicatio,

et quotuplex.

Jam quod possibiliter replicationis attinet, omnes tenent unanimi consensu naturaliter repugnare. Omnes pariter catholici tenent contra Protestantes possibilem esse per divinam virtutem replicationem saltem definitivam et mixtam;

Quid certum
et commune
inter catholicos;

(1) Cfr. inferius dicenda de corpore replicato, in respons. ad objectionem, 9.^{am}